

Bwzswz Yaenqfat 《Aen Fueng'anq Saedguh Suenqveh Aeu Lij-youz Coicaenh Gak Minzcuz Doxgyau Dox Baedauq Doxyungz》

百色印发《旅游促进各民族交往交流交融计划的实施方案》

Mboengqneix, Bwzswz Si Minz-cunghveij、Vwnzlij Giz caeuq Fazgaij-veij doxcaez yaenqfat 《Aen Fueng-anq Saedguh Suenqveh Aeu Lijyouz Coicaenh Gak Minzcuz Doxgyau Dox Baedauq Doxyungz》, dingh youq

daengx si aeu lijyouz coicaenh gak minzcuz sam gyau, mboujduenh couq-maenh gij eiqsik caezcaemh Cunghvaz Minzcuz. Aen fueng'anq yinxok, yaek doicaenh lijyouzyez hwngfat ndaej youh ndei youh vaiq, guh'ok nei-

zungz moq、cauhguh diuz roen moq、hwngfat yezdai moq、gungganq cawjdae moq、yungh ndei dieggiek moq, aeu lijyouzyez coicaenh gak minzcuz sam gyau. Vih caezhoz hwnq-guh aen Guengjsae gyaundeidei sevei

cuji miz daegsaek Cungguek seizdaih moq、cienzmienh hwnqguh aen guek-gya sevei cuji yendaiva、saedyienh Cunghvaz Minzcuz fukhwng hung-mbwk ok faenh rengz mbwk ndeu.

(Banz Fuyauz/盘馥瑶)

Hozdung Lai Yiengh Hoh Song Ciet

多彩活动庆双节

9 nyied 10 hauh dwg ngoenz bet nyied cibngux youh dwg ciet lauxsae, vunzlai gak dieg gih raeuz guh lai cungj lai yiengh hozdung lumj guh daengloengz、loengh gaiqgwn、foux lungz foux saeceij daengj angqcoux song aen ciet hoengh neix.



▲ Meh lwg itheij guh daengloengz.

Cinz Swjyij ingi

Ciet yaek daengz, Aen Cungsime Saedguh Vwnzmingz Seizdaih Moq laeng Vanzgyangh Mauznanzcuz Swciyen guh buek hozdung angqcoux Ngeihcib Daih angqhoh song aen ciet. Miz lauxsae lwghag biujyienj cezmuq、bohme caeuq lwg doxcaez guh doxgaiq、gangj goj bet nyied cibngux daengj. Neix hawj lauxsae、lwghag caeuq bohme lwghag ndaej doxgyau doxrox, cauhguh fwnhvez naekna song ciet, hawj gyoengqvunz daejniemh yienghndeidei vwnzva cienzdoengj raeuz.

(Cinz Swjyij/覃子苾 Cinz Yacin/覃娅宸 Cinz Yizsiz/覃奕晰)



▲ Vunzlai Yungzanh Yen foux lungz foux saeceij hoh song ciet.



▲ Aen doih youq gwnzhaw foux lungz foux saeceij.

9 nyied 10 hauh, vunzlai Yungzanh Yen Cangzanh Cin youq henz Dahyungzgyangh foux lungz foux saeceij, yinx daej haujlai vunz comzyawj. Aen doih biujyienj youz haw youz gai foux dwk gig ndeiyawj, hawj vunzlai angq gvaq song ciet, yiengjsouh ndwenngoenz vuenyungz siujgangh.

(Danz Gajhingh/谭凯兴)



▲ “Maxlwg” guh ndaej haenx gig dwggayez.



▲ Vunzmbanj Yin-cwngz Yen cingq hawj “maxlwg” hwnjsaek.